

[本草綱目 > 14 草之3 芳草類 > 1449 石香](#)

1449 石香

(宋《開寶》附)

【釋名】石蘇。

【集解】志曰：石香，生蜀郡陵、榮、資、簡、州，及南中諸處，生山岩石縫中。二月、八月採，苗莖花實俱可用。

宗奭曰：處處有之，但山中臨水附崖處或有之，不必山岩石縫也。九月、十月尚有花。

時珍曰：香薷、石香薷，一物也，但隨所生而名爾。生平地者，葉大；崖石者葉細，可通用之。

【氣味】辛香，溫，無毒。

【主治】調中溫胃，止霍亂吐瀉，心腹脹滿，臍腹痛腸鳴，《開寶》。功比香薷更勝（蕭炳）。製硫黃（時珍）。

No related posts.